



Ikamva-Ukunonophela
abantwana bethu

Isikolo seCawa 2

Isihloko sesifundo: UYesu Krestu usifundisa ukuthandaza

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiKolo seCawa 2 esithi **“UYesu Krestu usifundisa ukuthandaz”**.

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neepensile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasini ngaye (Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amaqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiKolo seCawa.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).
4. UTitshala wesikolo seCawa kunye nomphathi wesikolo seCawa bayafumaneka ukunceda ngesifundo.



Isifundo

Isihloko seSifundo

UYesu Krestu usifundisa ukuthandaza

Injongo yesifundo

Abantwana bafunda ukuba

- uYesu usifundisile indlela yokuthandaza.
- Umthandazo ubalulekile kuthi.
- Singamxele uThixo yonke into.

Isishwankathelo sesifundo:

- Ukuthandaza kubalulekile kuthi njengabantwana bakaThixo. Njengoko uxelela umhlobo wakho, umama, okanye utata yonke into, unako ukuthetha noBawo wethu osezulwini nangayiphina into nangayo yonke into.
- Ukuthandaza akwenzeki kuphela xa sisenkonzweni, naxa uMbingeleli ethandaz phambi kwebandla. Sinako ukuthandaza naxa sisodwa. Okufukuneka ukwenze kukusonga izandla zakho nokuvala amehlo akho.
- Nazi izinto ezimbalwa onako ukubeka kumthandazo wakho:
 1. Yithi “Enkosi” kuThixo ngenxa kamama, katata, abantakwe noodade.
 2. Enkosi Thixo ngeenkokheli enkonzweni, ngoMphathi-bandla wakho, ngoMbingeleli, ngoMdikoni kwakunye noTitshala wesiKolo seCawa.
 3. Mbulele uThixo ngento akwenzele yona ngobabalo – ubabalo yinto uThixo asinika yona, kodwa asilufanelanga.
 4. Mcele uThixo ngento emakayenzele omnye umntu.
 5. Soloko uwugqibezela umthandazo wakho ngokucela uThixo ukuba afutshanise ixesha kwaye aze kusithabathela ekhaya kunye naYe.
 6. Soloko usithi “Amen” ekupheleni komthandazo wakho.
- Nceda musa ukulibala ukuthandaza yonke intsasa, ebusuku kwaye nangaliphina ixesha phambi kokuba sitye.

Sithetha ukuthini esi Sifundo kuthi namhlanje?



- Esi Sifundo sisixelela ukuba:
 - Ø Sinako ukusoloko sithetha kunye noYesu
 - Ø UYesu uyayiva imithandazo yethu
 - Ø UYesu akasokuze angakumameli okanye imithandazo yakho
 - Ø UYesu usoloko eyiphulaphula imithandazo yethu ukuba sithandaza ngentliziyo epheleleyo.

Eminye imibuzo esinokuyibuza:

1. Kutheni lento sithandaza nje?
Imbendulo: Ukuze sithethe noYesu umholobo wethu wenene
2. Nika izizathu zokumbulela uYesu?
Imbendulo: Kungenxa yabazali, izinto zokudlala, iiNkokheli, impilo, nesikolo
3. Yintoni oyicelayo kumthandazo wakho?
Imbendulo: Ukuba kugcinwe usapho lukhuselekile, izinto zokudlala ezintsha njalo,njalo
4. Ingaba unank ukuthandaza uBawo wethu osezulwini?
Imbendulo:
*Bawo wethu osezulwini
Malingcwalise igama laKho
Mabufike ubukumkani baKho, mayenziwe intando yaKho emhlabeni njengoko isenziwa ezulwini.
Siphe namhla isonka sethu semihla ngemihla
Usixolele amatyala ethu njengoko sibaxolela abo banamatyala kuthi
Ungasingenisi ekulingweni, usihlangule enkohlakalweni
Ngokuba bubobakho ubukumkani, namandla nozuko kuse emaphakadeni. Amen.*



Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini
Sikelela bonke abazali kunye nabantwana
Kunga singeva ubukho bakho
Sikelela isifundo esiya kuba naso
Nceda usifundise sikukhonze njani
Kwaye sincede senze intando yakho
Ukuze sisondele kufuphi kuwe
Thumela uYesu ukuze asiphuthume
Kwaye kwanga singakulungela ukuhlangana naYe
Amen

Umthandazo emva kwesifundo:

Thixo othandekayo osezulwini.
Enkosi ngokusigcina sikhuselekile nokusivumela ukuba sive ibali elihle leBhayibhile.
Enkosi ngokusikhusela ngokusigcina sikhuselekile nakweyiphipina ingozi.
Siyakucela sincede sisoloko sithobele umama notata nokuba sibe nobubele kumntu wonke esidinana naye. Siyakucela sincedise kumsebenzi wethu wasekhaya.
Sikelela iNtloko yethu yabaPostile, abaPostile nazo zonke iinkokheli, Siyakucela zigcine zikhuselekile xa zihamba ukuze zibenako ukusifundisa ngakumbi ngomsebezi wakho omkhulu, Thixo.
Siyakucela nceda bonke abantwana baKho, ngokukhethekileyo abo bagulayo nabo bangenakudla okanye indawo yokuzifihla.
Nceda ubuye kwamsinya usithabathele sonke ekhaya.
Sikucela konke oku, kungekuba sikusebenzele, kodwa egameni likaYesu. Amen